



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-49-2- /19

PRIJEDLOG

Datum: _____, 2019. godine

Na osnovu člana 14. Statuta Općine Tešanj («Službeni glasnik Općine Tešanj» broj 11/07) i člana 40. Poslovnika o radu Općinskog vijeća Tešanj («Službeni glasnik Općine Tešanj» broj 3/18), Općinsko vijeće Tešanj na svojoj ___ . sjednici održanoj dana __. __. 2019. godine donijelo je

**PROGRAM RADA OPĆINSKOG VIJEĆA TEŠANJ
ZA 2020. GODINU**

I – UVOD

Program rada Općinskog vijeća Tešanj za 2020. godinu proizlazi iz prava, dužnosti i nadležnosti Vijeća, utvrđenim Ustavom, Zakonom i Statutom Općine, kao i aktivnosti koje proizlaze iz Programa rada, koji čini pitanja iz djelokruga Vijeća koja će se razmatrati na sjednicama Vijeća.

Program rada Vijeća svojim osnovnim sadržajem usmjeren je na određene teme koje se planiraju razmatrati na sjednicama Vijeća, kako u vidu normativno-pravnog regulisanja pitanja iz samoupravnog djelokruga Općine, tako i tematsko-izvještajnog djelokruga aktivnosti Vijeća.

Općinsko vijeće će, takođe, na osnovu prijedloga ovlaštenih predlagača, razmatrati i pitanja koja proističu iz podijeljene nadležnosti između Općine i viših nivoa vlasti.

II – SADRŽAJ PROGRAMA

A) Period januar – mart:

1. Prijedlog Odluke o usvajanju Programa novčanih podsticaja za unaprjeđenje poljoprivredne proizvodnje na području općine Tešanj u 2020. godini,
2. Prijedlog Odluke o gubitku statusa javnog dobra
3. Prijedlog Odluke o prodaji /kupovini/ zamjeni /davanju u zakup nekretnina
4. Prijedlog Odluke o usvajanju Plana kapitalnih investicija za budžetsku 2020.godinu (sa planom kandidovanih investicija za 2021 i 2022) 1+2,
5. Prijedlog Rješenja o imenovanju Općinskog pravobranioca,
6. Izvještaj o radu Općinskog pravobranilaštva za 2019. godinu,
7. Izvještaj o radu Općinskog vijeća za 2019. godinu,
8. Izvještaj o realizaciji kapitalnih investicija za 2019. godinu,
9. Izvještaj Općinskog načelnika za period od 01.01. do 31.12.2019. godine,
10. Informacija o stanju u poljoprivredi i realizaciji Programa novčanih poticaja u 2019. godini
11. Informacija o radu mjesnih zajednica za 2019. godinu,
12. Informacija o stanju bezbjednosti na području općine Tešanj, i bezbjednosti učesnika u saobraćaju na području općine Tešanj za 2019. godinu.
13. Informacija o realizaciji Strategije općine Tešanj u 2019.godini.
14. Nacrt Plana upravljanja otpadom
15. Informacija o zakupu općinskih nekretnina i prometu zemljišta u kojem je Općina jedan od učesnika prometa,

B) Period april – juni:

16. Prijedlog Odluke o usvajanju prostorne osnove Prostornog plana Općine Tešanj 2020-2040
17. Prijedlog Odluke o gubitku statusa javnog dobra
18. Prijedlog Odluke o prodaji /kupovini/ zamjeni /davanju u zakup nekretnina
19. Izvještaj o izvršenju Budžeta za 2019.godinu,
20. Izvještaj o izvršenju Budžeta za I kvartal 2020. godine
21. Informacija o radu i poslovanju javnih preduzeća kojima je osnivač općina Tešanj za 2019. godinu (Izvještaj o poslovanju JP Toplana, Izvještaj o poslovanju JP RAD, Izvještaj o poslovanju JP TRA)
22. Informacija o radu i poslovanju javnih ustanova čiji je osnivač Općina Tešanj za 2019. godinu, (JU Opća Biblioteka, JU Centar za socijalni rad, JZU Apoteka “Tefarm”, JZU Opća bolnica Tešanj, JU Centar za kulturu i obrazovanje, JZU Dom zdravlja “Izudin Mulabećirović Izo” Tešanj, JU Sportsko-rekreacioni centar Tešanj i JU Muzej Tešanj),
23. Informacija o izvršenom deminiranju, trajnom obilježavanju i uklanjanju NUS-a u 2019. godini na području općine Tešanj,
24. Informacija o radu udruženja građana u općini Tešanj za 2019. godinu,
25. Gender akcioni plan općine Tešanj za period 2020-2022.

C) period juli – septembar:

26. Prednacrt Prostornog plana Općine Tešanj 2020-2040
27. Prijedlog Odluke o gubitku statusa javnog dobra
28. Prijedlog Odluke o prodaji /kupovini/ zamjeni /davanju u zakup nekretnina
29. Izvještaj o izvršenju Budžeta za I polugodište 2020. godine
30. Izvještaj o radu Općinskog vijeća za period 01.01. – 30.06.2020.godine,
31. Informacija o organizovanju i funkcioniranju sistema zaštite i spašavanja i zaštite od požara za 2019.godinu,
32. Informacija o ostvarivanju prava pripadnika boračkih populacija putem Službe za boračko-invalidsku zaštitu,
33. Informacija o radu Zavoda za zapošljavanje - Biro Tešanj za 2019.godinu,
34. Informacija o radu Općinskog suda Tešanj za 2019.godinu.
35. Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama,

D) period oktobar - decembar:

36. Izvještaj o izvršenju Budžeta za period januar-septembar 2020.godine,
37. Nacrt Budžeta Općine Tešanj za 2021. godinu,
38. Prijedlog Budžeta Općine Tešanj za 2021. godinu,
39. Prijedlog Odluke o izvršavanju Budžeta za 2021. godinu,
40. Prijedlog Odluke o vrijednosti boda komunalne naknade za 2021.godinu,
41. Nacrt Prostornog plana Općine Tešanj 2020-2040
42. Prijedlog Prostornog plana Općine Tešanj 2020-2040
43. Prijedlog Odluke o gubitku statusa javnog dobra
44. Prijedlog Odluke o prodaji /kupovini/ zamjeni /davanju u zakup nekretnina
45. Prijedlog Odluke o odobravanju finansijskih sredstava za dodjelu stipendija redovnim studentima za akademsku 2020/2021. godinu,
46. Prijedlog Rješenja o imenovanju Komisije za izbor i imenovanje
47. Prijedlog Programa rada Općinskog vijeća za 2021. godinu,
48. Informacija o završetku školske 2019/2020. godine i upisu učenika u školsku 2020/2021. godinu u osnovnim i srednjim školama na području općine Tešanj,
49. Informacija o održavanju putne infrastrukture na prostoru općine Tešanj.
50. Informacija o rješavanju statusa izbjeglih i raseljenih lica na području općine Tešanj,

III

Zadaci utvrđeni Programom rada Općinskog vijeća su samo okvirni i određeni u minimumu.

Ovlašteni predlagači se ovim Programom ne ograničavaju, nego od njih Vijeće očekuje nove inicijative i prijedloge tokom 2020. godine, koji će se, po podnošenju na Vijeće, po proceduri propisanoj Poslovnikom o radu Vijeća, uvrštavati u dnevni red sjednica i voditi rasprava o istim.

Redovne sjednice Općinskog vijeća se održavaju, u principu, jednom mjesečno, a po potrebi i češće, dok se vanredne sjednice sazivaju prema ukazanim potrebama, s tim da dnevni red za sjednice Vijeća, u principu, ne bi trebao prelaziti 10 tačaka. Predlagač i obrađivač materijala su obavezni pridržavati se rokova iz Programa prilikom izrade materijala iz svoje nadležnosti, te materijale blagovremeno dostavljati Stručnom odjelu Općine.

IV

Plan za profesionalno usavršavanje vijećnika za 2020.godini

Teme za profesionalno usavršavanje vijećnika i radnih rijela Vijeća u 2020. godini:

1. Ustavnopravni položaj JLS i Zakon o principima lokalne samouprave
2. Zaštita okoliša/životne sredine
3. Finansiranje jedinica lokalne samouprave
4. Elektronska podrška u radu Općinskog vijeća

Ovaj plan nije konačan, isti se može mijenjati, dopunjavati ukoliko vijećnici i članovi radnih tijela Vijeća iskažu interesovanje i predlože neke druge teme ili neki drugi vid edukacije.

PREDSJEDAVAJUĆI VIJEĆA

Senad N. Subašić, dipl.oec.

OBRASLOŽENJE

I - PRAVNI OSNOV:

Pravni osnov za donošenje ovog Programa sadržan je u člana 14. Statuta Općine Tešanj («Službeni glasnik Općine Tešanj» broj 11/07) i članu 40. Poslovnika o radu Općinskog vijeća Tešanj («Službeni glasnik Općine Tešanj» broj 3/18) u kome je regulisano da Vijeće donosi Program rada za kalendarsku godinu, po pravilu, do početka godine.

II - RAZLOZI ZA DONOŠENJE:

Programom rada Vijeća za 2019. godinu je planirana rasprava o prijedlogu Programa rada Vijeća za 2020. godinu. Osnovna aktivnost Općinskog vijeća u realizaciji njegovih propisima utvrđenih nadležnosti odvija se putem sjednica Vijeća na kojima vijećnici utvrđuju općinsku politiku po pitanjima iz samoupravnog djelokruga Općine, razmatraju teme i pitanja iznesena na dnevni red sjednica, vode rasprave, donose odluke i druge akte iz nadležnosti Općinskog vijeća, usvajaju izvještaje i informacije, te donose zaključke i smjernice za rad Općinskog načelnika i općinskih službi za upravu.

Značajan dio aktivnosti Općinskog vijeća odvija se u vidu rada klubova vijećnika i radnih tijela, tj. komisija Vijeća, a u funkciji pripreme i realizacije osnovne aktivnosti Vijeća koja se odvija kroz sjednice.

Konsultativni sastanci klubova vijećnika i općinskih rukovodstava parlamentarnih političkih stranaka se održavaju u pripremi sjednica Općinskog vijeća, na kojima se kroz međustranačko dogovaranje vrši utvrđivanje dnevnog reda za sjednice Vijeća, usklađuju stranački interesi i pristupi u pogledu tema i pitanja o kojima se na Vijeću odlučuje ili zauzimaju stavovi pri utvrđivanju općinske politike u datoj oblasti.

Radna tijela Vijeća – komisije, u okviru svog propisanog djelokruga, prethodno razmatraju prijedloge akata drugih predlagača koji se iznose na sjednice Vijeća i zauzimaju stavove o podnesenim prijedlozima sa kojima upoznaju Vijeće, takođe i neposredno kao predlagači pripremaju pojedine akte za odlučivanje na Vijeću.

Pri izradi Programa rada Općinsko vijeće treba imati u vidu da će i Program rada i aktivnosti organa vlasti na nivou Kantona, kao i organa lokalne samouprave na nivou općine, takođe u određenoj mjeri usloviti i opredijeliti rad Općinskog vijeća, koje će po toj osnovi stavljati na dnevni red ona pitanja i donositi propise i druge akte kako to bude utvrđeno i predviđeno od strane viših nivoa državne vlasti u Kantonu, odnosno inicirano od organa lokalne samouprave na nivou općine.

Takođe, određena pitanja izvan utvrđenog Programa rada nužno će se pojavljivati u tekućoj djelatnosti službi i organa Općine, koja će svojim značajem i urgentnošću zahtijevati odgovarajuće angažovanje Vijeća u okviru propisanih nadležnosti. Ovo, u principu, ne bi trebalo da stvara probleme kod realizacije aktivnosti Vijeća, pošto je u pripremama pojedinih sjednica Vijeća moguće pravovremeno preciznije odrediti karakter i sadržaj takvih akata i obaviti sve pripremne radnje za njihovo kvalifikovano uključivanje u rad Vijeća u skladu sa proceduralnim uslovima koje nalaže Poslovnik o radu Vijeća.

Na osnovu iznesenog mogu se odrediti osnovne tematske cjeline iz redovnih aktivnosti i nadležnosti Općinskog vijeća koje treba da sadrži Program rada Vijeća za 2020. godinu:

- a) usvajanje Izvještaja o izvršenju Budžeta za 2019., te praćenje toka realizacije Budžeta za 2020.god.;
- b) razmatranje izvještaja o radu javnih preduzeća i ustanova čiji je osnivač Općina za 2019. godinu;
- c) donošenje propisa i akata koje predlaže Općinski načelnik i razmatranje određenih pitanja koji proizlaze iz programa rada organa izvršne vlasti u Općini;
- d) razmatranje informacija o pitanjima iz samoupravnog djelokruga Općine i donošenje odgovarajućih stavova i smjernica za postupanje općinskih organa i službi u rješavanju određenih pitanja tretiranih u ovim informacijama;
- e) profesionalno usavršavanje vijećnika.

Program rada Vijeća za 2020. godinu u pogledu dinamike razrađen je po kvartalima, kako je to i do sada činjeno, čime se preciznije definira dinamika rada Vijeća i obaveze nosilaca određenih poslova, kao i težište sadržaja rada, odnosno obaveza koje se moraju realizovati u određenom periodu tekuće godine.



PREDLAGAČ
PREDSJEDAVAJUĆI VIJEĆA
Senad N. Subašić, dipl.oec.

Broj: 01-49-2-2214-2/19
Datum: 04.12.2019.godine